

EDISI 2023

# Buletin FKA

Pengajian Kejuruteraan Awam

Universiti Teknologi MARA Cawangan Pulau Pinang



UNIVERSITI  
TEKNOLOGI  
MARA

eISSN 2716-6325



9 772716 632004

Diterbitkan pada 15 Oktober 2024

---

## Memperkasa Peranan Penasihat Akademik

*Masyitah Md Nujid*

Penasihat akademik (PA) merupakan pensyarah universiti yang berperanan dalam menyalurkan maklumat berkaitan program pengajian (pra-diploma/diploma/ijazah), kursus dan peraturan akademik di universiti. Di UiTM, melalui Pejabat Hal Ehwal Akademik & Antarabangsa (HEA&A) telah melantik PA dalam memberi nasihat kepada para pelajar di bawah bimbingan mereka sepanjang tempoh pengajian para pelajar tersebut. Secara purata, setiap PA mempunyai 20 orang pelajar untuk dibimbing dari segi akademik, sahsiah dan motivasi bagi melahirkan graduan yang berdaya saing di peringkat tempatan dan antarabangsa.

Satu perjumpaan bersama PA telah diadakan pada 24 Januari 2024 bertempat di Blok Kuliah Bangunan Akademik (BKBA), UiTM Cawangan Pulau Pinang (UiTM CPP). Para pelajar hadir ke sesi pertemuan ini bermula dari jam 9 pagi sehingga 4.30 petang secara individu atau berkumpulan mengikut slot masa temu janji yang telah mereka pilih terlebih dahulu sebelum sesi ini berlangsung. Sesi pertemuan ini adalah aktiviti susulan yang diadakan pada awal semester anjuran oleh Unit Penasihat Akademik (AAU) EC221 Pusat Kejuruteraan Awam (PKA) UiTM CPP.

Perjumpaan ini dijalankan pada minggu ulangkaji peperiksaan (**MINGGU KE-15**) bertujuan menyuntik semangat dan motivasi kepada para pelajar serta tips persediaan menghadapi minggu peperiksaan yang bermula pada 29.1.24 pada semester Oktober 2023 – Februari 2024. Rata-rata para pelajar memberikan komitmen dengan menghadiri perjumpaan ini. Turut dikongsi bersama semasa sesi ini adalah analisa keputusan peperiksaan GPA bagi dua semester lepas bagi tujuan perbandingan. Para pelajar menyaksikan sendiri naik/turun prestasi akademik mereka sepanjang pengajian di UiTM.

Sesi ini juga bermanfaat untuk para pelajar berkongsi rasa hati dan masalah yang dihadapi berkaitan pelajaran dan lain-lain. Di akhir perjumpaan, para pelajar dibekalkan dengan pek kombo makan dan minum dibawah peruntukan HEA&A dan UiTM CPP. Semoga para pelajar mendapat manfaat dari usaha kecil PA dalam memastikan kejayaan dunia dan akhirat mereka. Aamiin.